


22



陳石閣詩卷十

重至武林得晤李春田有作三首



離別似未久而成七十翁星霜或不變顏面
誰同憶踏湖邊月受君樓上風重逢論往事
魂通

水窻風浪軟相對一燈前生亦無多日離堪二十
年幼兒皆畢娶此老善周旋鬢髮如斯白于今可
晏眠

身事完天地風塵變古今窮知遊子淚老見故人

心愛暖從兒衣加餐強力任相逢又重別水月正
陰森

江郎山

江郎三片石峙入青雲端建水自茲永越山無跡
看野花愁鬢白村相渥顏丹夢筆高眠處秋深艸
又寒

三山口號二首

又有南閩沒春秋紀二年夔翻瑤柱嫩盪剝荔枝
鮮海颶連天走雷光並日懸所親皆旅食兀對一

淒然

衆水合東溟千山繞故城地多野鬼祀人有屈蹠
名泛海非承使乘風祇計更壯心消弭盡飄轉任
浮生

石城

大江限南北石城在其中源自岷山來直與東海
通六朝爭建業何者為故宮但餘一盃酒目送歸
飛鴻

哭趙元數姑丈

三月春風如亂絲正是離人作別時我馬已載臯
蘭轂先生繼領寧羗牧泛梗東南又六年往還數
寄雲中變魂夢不知河塞阻容輝常在屋梁前士
戍擊舟下石頭聞君遷改到乾州吳宮染恨江湖
白杜老遺踪草木秋冷雨客憲天欲暮置郵忽報
公門務開封乍視眼模糊上有乾州刺史故釋冊
泫泫淚如注轉憶蒼梧初把晤我姑結禱為君婦
合昏半折孤鸞飛夜臺先走良人路堂上雙親逾
七十膝邊更少呱呱泣半生百務未周全鬼伯催
人一河急蕭條旅櫬隔秦關萬里長眠竟不還零
落總幃飄夜月翻飛狐火燒陰山慟哭非緣親與
戚等閑目我云無正酒中得失兩心知老骨童心
如一日賤齒差弱才一齡耳聾牙脫髮星星迷漫
前路難與爭幾何不共君同行幸得先人事畢
兒長大此身可去亦可在

得次子句

從事揚州路家書報得雄老多兒女累愁寓喜歡
中水漲江南滿天高八月風設勤囑阿母早晚恆

微躬

彭城吊古

楚家三戶詭止秦逐鹿中原割據尊刻印真知王
業改分漢何幸一身存拜除展轉歲兵甲帶礪依
稀及子孫功實長陵餘故土黃河日送過西門

獨坐

獨坐萬有寂孤燈半壁懸清光穿我牖佳境落誰
邊跡任浮生寄心還造物先去來聲與臭倚枕付
高眠

重晤李眉山石東村喜而有作

浩浩江湖水日夜流苦辛茫茫天涯客泛濫隨波
臣昔歷黃河源今坐江南卷上焉持古節其次亦
相因一言不稱意四座飛梁塵典衣市鞍韉斷木
成車輪朝吸天上露暮鞭馬後雲荒原宿中夜白
髮看青燐行行近日下遂接平生親李君須再蒼
石子氣宇新朗玉湛秋水迴非尋常人六載限南
北一別如參辰拂我以長巾坐我以錦茵飲我以
村酒味薄交情醇驚魂一已定行踪各具陳自然

形神忘乃見朋友真
征鐸振遥響天雞時
若聞星漢漸微滅
不覺已達晨往還
無百年出處何當分
安得黃髮期與子
常殷勤

癸亥閏四月二日入都宿石東村居賦贈

六載溷江湖倉皇反上都
高門行客款短杖主人
扶別緒滿懷在相逢一字無
但云俱努力幸不辱
泥塗

久坐定驚魂
憑君仔細論
家貧十口寄天幸
一身存眠食
宜朋友辛勤
老弟昆始終
期不偶深負信

陵恩

膠漆當初約高堂
舊屢登幾年成契濶
公子各飛騰
人以名為實
天其墮必興
燈前思往事
深覺愧良朋

歸

城隅如曠野有室十餘間
童子相迎說先生
久客還招魂
安寢食歛性
寄雲山六載
無人跡蓬門
祇閉關

行踪無定向不復計
幽栖今日于斯託
茅簷略翦

齊棗香風力軟竹短月窻低羸骨從高枕隣雞且
任啼

與楊己軍別八年適步燕市有粥其字者償
值携歸率爾有作

晨起步都市偶然接世紛故人留漢水手蹟對燕
雲一咲相償值八年如見君呼兒懸座右為向展
殷勤

先至京城眷屬留寓白下癸亥五月八日命
僕往迎却寄兩兒四首

我生倦行役白髮寄征途憶汝牽衣送願言與父
俱渡江春浪軟鞭馬戍燈孤幸得身無恙平安抵
國都

雨花臺畔月夜夜送愁來孤枕意無限薄帷風自
開弟兄何者健形影默中猜達曙聞啼鳥關心定
幾回

金陵風日好不比故鄉情暫住非長策何能果以
生一身隨海市十口寄江城老欲依兒女舟船命
往迎

封書與老僕，囑語不嫌多。出入寒暄慎，尋常飲食
和舟居。饒逆豫，檻外即風波。八月天清爽，吾當待
潞河。

馬蘭關東長城南，巖下有石亭。為前明戚少
保建，吾友李眉山伯高祖寧遠伯成梁公與
少保並為江陵張相國所薦。今遼東亦有李
寧遠翫花臺故蹟，存焉。眉山撫近憶遠，因命
畫師作戚亭圖，並成懷古詩，唱于首。屬同志
者和之。吾詩曰：

長城綿亘連天走，秦人之業漢人守。戚氏作亭山
巖間，邊風日夕吹。其右胡兒牧馬不敢羣，亭中把
酒對斜曛。吟詩却書鎧甲，上古來好武多能文。帝
王師傳江陵公，薦剡一舉雙英雄。虎視龍蟠威薊
北，秋風鐵馬下遼東。時勢易遷山谷老，石亭傾側
生蒿草。牧豎于今息馬牛，元戎無復陳雲鳥。傳聞
尚有翫花臺，故李將軍安在哉。阿孫掀髯為予說
也，向南山射虎來。

李鐵君生壙落成有作

翠柏蒼松夾路分百年先事鐵君墳
逶迤自信龍蛇道生死全身虎豹群
天地不能延大命山川終古愛斯文
後來詞客尋遺蹟倒影空潭起暮雲

暮笳二首

檄下傳呼從典軍他時明月眼前雲
健兒已出盧龍塞莫使笳聲入夜聞

城頭暮角帶悲笳戶掩烟埋十萬家
征婦當樓憶遊子秋風弓劍冷黃沙

鬻女行

菽粟年年貴不止甲第因循變貧子
朝餐未飽日又晡夜來不問炊烟起
飢女哀哀四面啼忍教父子相從死
絕路于今難兩全親心一旦成封豕
男媒女妁爭攜帶背人却粥東門外
到處訛傳近天亡可憐尚恐親知怪
弱質低頭來貴門入室誰諳長跼拜
箕箒雖甘賤妾操骨肉猶含大家態
脫體羞看紅葉飛思親淚與白雲垂
願君珍重良家子看取他年掌上兒

棄婦篇

新衣不適體，新人不諳禮。但看顏色鮮，新鮮能幾
年。三日為新婦，已見蛾眉妬。長揖澆，回嗔低頭思
故人。

鑄劍篇

泉南生鐵天下奇，剛柔為用均相宜。月輪掩映芙蓉
色，海水照耀珊瑚枝。百鍊將來鑄戈劍，支機石
礪天池蘸風胡。拔鞘揀階墀，太陰凝結風雲澹。十
年不用掛墻東，夜半無人自吐虹。神物莫愁終落
落，他時猶贈死塗公。

秋懷詩九首

枝上掛枯蟬，籬邊老豆莢。西風一夜來，秋心到黃
葉。霜露浸人肌，聞君有所之。慎勿度金微，途長馬
不肥。

野人老山谷，事業在深耕。炎天無雨勢，鞭牛牛懶
行。五月麥不實，六月禾未萌。暴疔與焚巫，術有人
無靈。牀頭少積粟，何以貸秋徵。荷鋤且歸來，暮夜
無人聲。但聞狐狸語，久旱有靈雨。

我馬疲不支，驅向東郊牧。繫馬枯柳邊，螻蟻穿馬

足不惜馬足傷但喜平蕪綠萬物不空生天地有
廣育生翕已成束老馬板齒禿

韓盧失其縱走避東郭魏醜茂默無語原為堂下
人履海亦有術上天非無雲雙翼雖未生運用貴
以裨丈夫去故里出入嗟行李空言不可徵莽蒼
向誰是如臯射雉時祇可傲妻子

春風扇百物桃花爭細草秋露白如烟俯仰瀉懷
抱神仙有丹經秘密如鴻寶朝為長生歌暮葬空
山道猶恨在生時奉持胡不早

芥子不受珀磁石能引鍼物理渺茫茫予受多苦
心驅車策駑馬行宿何滯淫東馳泰山下南望蒼
梧陰夷迳有邪曲江流有淺深寸心尚不蒙何必
多方尋

我管客吳楚南游之瀟湘獨步越江臯天水空青
蒼行行日已暮霜落秋江涼含沙行射人老狐窺
路傍心目兩晦昧行止多不祥一意縱有持豈奈
衆物戕安得燭龍遊為我開其光

結髮入君門十年為夫婦挑燈縫故衣履霜親井

曰兩身共一心若並天長久小姑為屬階筱彼長
舌口男兒心性活一旦相驅走穿穴漏江河積土
成培塿回顧膝前兒淚下難釋手善事後來人切
莫分薄厚兒女掩面哀日夜望娘來

秋艸爛為螢齋向庭宇飛遠近在眉睫自知軀體
微鶴離凌健翮所向生光輝泥露既已降桐實亦
已肥飲啄分所定不若早旋歸莫學鵝鵬奮身
遊海外遠道縱歸來歸來巢卵敗

癸亥六月晦日病中作

炎毒經秋盛陰風盡日霾胃虛乘暑溼身老費安
排水國雲千疊豚兒天一涯客中或不諱誰為拾
遺骸

憶江南諸弟姪

艸木凋零早關河信息空愁懷當落日羸骨抵秋
風弟姪乘江鶴東南想塞鴻寸心三十載傷盡別
離中

古詩七首

南山有奇鳥毛羽自綽約覓食常苦飢水滿秋成

薄偏輪不可行
單絲不成索
比翼雙雙飛
飛來宛與洛

宛洛繁華子
脂膏恨不完
千金一笑罷
貴為今日歡
誰知黃河水
流作大江瀾
百卉坐搖落
歲晏空長嘆

車馬向駸駸
冠履亦煌煌
日食椎千牛
夜宿連洞房
長兄將樓船
中兄侍中郎
小弟亦不細
泛視侯與王

密密園中柳
枝葉柔可憐
驚飈奏清夜
氣鼓聲相連
柳枝齊墮地
柳葉飛上天
天風一朝歇
去去向時還

老特能育麟
枯楊會生梯
流水不停逝
日東月復西
仲父本浮虜
呂望隱磻溪
人生固有分
年命何能齊

幽蘭在空谷
馥馥生暗香
春秋足自保
不登君子堂
野狐舒咲靨
靨摘花不摘
葉落地斂精
魂化作碧蜩蝶

昨日清溪風
今日陰山雪
此離寒露華
傷時怨離

別西蜀杜鵑聲滴向湘江血
孤死必首坐日暮知窮節

秋燈

孤燈頻向夜秋至愈分明
直待炎蒸盡方知天地清
碧苔隱古色疎影散深更
此際江南客鄉關夢已成

重過潞河

秋氣茫茫白荒城故故斜
岬歌風落石湍減雨顏沙
舊日烏衣巷多非王氏家
殘年臨水國重見長

蒹葭

題冰魂翠佩圖

娥娥二女乘風翔玉為肌骨
翡翠裳南雪到地萬峰合
洞庭隔水遙相望落筆飛揚疾
如馬靈其紛紛而來下夜寒
素袖掩朱唇似聞叫向蒼梧野

陳石閭詩卷十一

書

石

石

李眉山先公以黔臬從軍事平載一石歸石
高三尺似龕比管玉笋二受水則碧苔絲羅
常愛玩之既而撫豫制楚遷司寇先國事無
暇石遂廢迨眉山從潞輿致小齋而幽感生
焉乃命畫師圖其狀且誌以詩屬同人和之
天地鍾靈異竄命到一隅女媧餘煨鍊力士費馳
驅鳳翥遙啣壁龍頷烟抱珠青蒼鱗甲變銛利爪
牙鋪受水新苔潤朝宗象竅殊序時遭喪亂兵燹

辱泥塗妖孽黔陽臭瘡疾故國旃旆頭纏殺氣大
角指威弧部曲推廉使軍書問碩儒截江七縱罷
授手萬民蘓日月回昭運山河拱舊都飲冰謀旦
夕航石走江湖鄂渚權貔虎西曹領豸驅宦途三
徑辭長物此峰孤去矣漢飛將傷哉楚大夫丹心
還碧海皓魄落金樞今嗣能承業深歲且繪圖檐
前窺色咲几上識規模雨露春秋在乾坤氣象扶
兒孫能鄭重終不任荒蕪

示兩兒

江上行雲州頭露忽忽春秋五十度眼前猶幸不
伶俜有子呼名偶與付汝未成人吾已衰天風日
暮多生哀鳳雛養翮青霄去丈夫事業由嬰孩

聞李春田病亡二首

武林有來使忽報李君亡離別人三月死生天一
方當年湖上水結作燕南霜冷氣浸虛室容光入
夢長

學術荀韓擅文章賈馬雄防身煉歐冶隨意倚壘
峒老氣千秋得高懷一代空素交如曉月含淚對

西風

感懷五首

去日已苦短來日亦不長
回思百年內進止空茫茫
秋風吹天地白露變為霜
草木葉爭脫因風自飄揚
離根日趨遠但使條枚傷
安知籬下菊脉脉生清霽

就屋城脚下日對城南樓
樓高人不見鴉雀鳴啾啾
寒柝擊孤月散與清光流
反側聽遙夜入耳不堪收
佳人在南國客子思舊丘
他山自有路大江亦有舟
高城一相隔有夢歸吳趨

雲中無定相天上有廣路
攬驢駕畢方吹噓作烟霧
手把王父衣拂衣不肯顧
回向玉女恐莫幸一相晤
來者必以困措者自有處
天馬龍之媒遂得先其步
先步固不難百靈睥睨看

燭燭明月暉照我高樓端
熒熒客子婦恹恹推令顏
良人逐什一重趼窮山川
鯉魚不在水鴻雁不上天
會面尚可期轉覺音書難
抱衾掩窗戶夢畢失新歡
盛年既不利暮途尤可憐
本圖蘓合香化

作蜚螂丸

長河浩渺遊子欲向之利器不在手去去空言
辭齊東有蹈海吳下有吹簫一語排秦帝轉戰鞭
荆屍解紛戎高得報讐當及時我欲與之遊人去
千秋思投鞭向秋水心與清波馳回頭謝行客迷
迷多路歧

秋江

木落天氣涼大江清且深蕩舟無停瀾秋風多苦
心白露下朱橘朱橘何沉沉委身置玉盤以君好

我甘故鄉一朝別相失洞庭陰風波不可渡江北
望江南

喜諸老翁枉顧敝居有作二首

百歲易為過况遭行路難紅塵老天地白髮見心
肝麥酒堪成醉桑樞也結歡授衣當九月耳熱不
知寒

坐上諸君子相看盡布衣人生難驟合老會不應
稀落日經簷短秋風到面微出門各異路緩踏軟
塵歸

題華相野畫石

華君畫石宗北宗大斧小斧爭折衝左攬右擎走
貽虎昂頭振角飛螭龍素藤展放已十日七十二
峰羅心宵穹窿乍低雲溶溶一洗萬古塵滓空下
筆設意不設色清渠吐出青芙蓉天台之山衆峯
靜石梁不與凡人通根靈秀育分脉理飛來却掛
高堂中月光到地萬有白遠寺蕭蕭聞暮鍾卧遊
何必升華嵩

詠古八首

渭水流秦月驪山遠漢春花嬌分苑發燕喜入樓
新天馬嘶芳草雲車蹴御塵離宮三十六祇望李
夫人

幽谷生蘭蕙華堂鼓瑟琴羞看卓氏竄不誦白頭
吟鳳鳥栖高樹烏鴉繞故林青陵臺畔月獨照兩
人心

小小生閨闈盈盈入禁門漸臺符召晚虎圍妾身
存日月雖無補心肝念重恩可憐王氏族空踞五
侯尊

濁飲黃河水清知玉井冰薰猶不同氣巫匠豈相
能戀祿慙三殿棲巖許百層穆王軍若化猿鶴定
為朋

鍾鼓紛繁會青翰擁蓋行越人無限苦王子太多
情繡被千秋暖新波此日清葑菲不輕棄江月自
分明

富有通天下人看鄧氏錢將軍崇邸第樓閣奉神
仙未得還丹術空承再造年太公權九府今在阿
誰邊

猶有紅塵分重來問劫灰暮雲低海嶠春雨別蓬
萊蛇足終休畫龍駒豈之媒文成與武利難免不
嫌猜

尚欲開疆宇多慙議築壇當年溥介子直入軒樓
闌首蒼宛城得葡萄玉座看胡風吹朔雪一任白
漫漫

擬古六首

日月不停取盛年忽衰老強此遲暮心策馬空山
道上有相思禽下有忘憂州一心分兩端安能辨

醜好

鵲橋亦可渡螢火亦有光離別會有時微軀當自
強廣車入邪路取道從北邙草木無常理起滅由
陰陽悲風下白晝對之感人腸白骨變黃土誰識
苦與良

塞北與江南遊子各異縣萬里有同心懷人不可
見良月湛三五清光逆如霰願學海燕飛雙飛入
霄漢

北方有佳人獨處空房中愁心似春海會與百川
通君子志于役三歲一再逢裊裊合歡花而遭長
夜風天地悲音多最苦離人哀清晨掩明鏡膏沐
誰為容

掘地得寶刀塗以鷓鴣脂吹毛毛若雪切玉玉為
泥夜久人語絕百丈飛遊絲雄鷲鳴鞘中不平知
為誰跼蹐有此物殺人如殺雞聖人戒凶器聖人
用有時

客從江南來携梅入我室挿向玻璃瓶清水映寒
骨五日蕊不肥十日華不出朔氣亂陰陽非天忌

此物隨寒無定期生死不可必桃李爭春風含情
恥為匹

憶梅

河清東西岸梅花思殺人雲心無去住天意在冬
春香自肝腸出光含造化真夢中窺色相清月一
番新

詠懷二十首

高閣臨清池明月當天心萬古坐消歇可以調素
琴上絃來別鶴下絃思龍吟夜靜天地合指中出
正音不惜操縵苦持此感人深

河鼓不可鳴牽牛不可輓人生若影響會為散
役百歲已不長日月蕩精魄放情縱逸志去去隨

所適奄忽同飄塵榮名誰為惜

蓬蒿沒仲蔚積雪臥袁安苟能潔吾身不在拭衣
冠天地止一理人生無兩端桃李何若若松柏何
丸丸豈不愛顏色可惜一時歡願纏風與霜悠悠
知歲寒

乘舟不破浪遊目何能長屠狗不屑龍壯志何能
強然犀照東海而生地下光蛟螭既零落騶魅亦
潛藏平生重意氣豈論圍與疆生得五鼎食死甘
五鼎烹

灼灼山樵華移向園中植渥水無甘泉培土不以
實曉風吹自南夕風吹自北生滅縱有期風落無
佳色執珪猶越吟中心存舊國托根無定方故土
安能得

朝登西山阪周周望四圍春風不自料偶然開我
衣喬木愛空谷地僻人烟稀雨露自天造安能知
是非結根已有所不願處重關

素然已盈頭去生日益遠骨朽性靈存立身何太
晚嗜欲蔽人深遂使天機淺龍馬各異途鳧雀有

長短緣督無容私真性悠狀反

登山采薇蕨日暮已苦飢仙人絕火食優游憺忘
歸白雲落我前裁以為裳衣羽毛被支體冉冉乘
塵飛松喬去未遠舉手招相依回頭謝親故道心
一何微

驟雨不終日暴風不過酉桃李耀前谿楊花已從
後結交無新故感激在親厚今日把吳鉤明晨接
杯酒多謝里中兒相知復何有

血均付自天有靈即有情滿持一尊酒送君萬里
行門前有流水淒惻作離聲他鄉縱得意永懷甘
與清寶劍顏其鋒徒為兒女輕髮白好歸來老去
多無成

西山塚壘累即此為吾家中有慷慨士懷瑾握泥
沙駕言放情志青春不再華東陵失故業名則青
明仄枯楊夾廣路二月生萌芽悲聲自茲始路人
為咨嗟

扁舟浮大江泛濫無停留湛湛東流水可以洗我
愁浩歌破終夕鱗族如有求大魚鼓鬚鬣小魚皆

昂頭歌心良自苦聽曲亦有由朝秦暮復楚懷挾
空自羞扣舷謝知音慎莫遠行遊

弦刺為弧矢用以示威武滿月迸流星一點光芒
吐鳴鏑不虛發左右連雙兔鑿窟載道周一二有
何補快意貴當前豪華今足數利器逞人用良三
心獨苦

魯縞與齊紩製為白團扇隨意散清颺宛轉宜人
面秋風如亂絲吹入昭陽殿悠哉懷裏開君心自
撩亂棄置篋笥間相思不相見

携我筇竹杖步出城西門春竹綠如水不復見王
孫白日忽西匿餘光返平原蒼然凝暮色空看白
髮存歸來近皓魄持照前人恩夜深不假燭中心
留月痕

買臣困樵薪妻子恥行歌志士棘天步十事九蹉
跎錦繡一朝被有如挾綠娥恩怨在懷抱千載不
能磨榮華足累身三嘆嬰禍羅

昔泛洞庭湖衝波濺我衣伯送綵鷁浩浩凌風
飛是心大如斗不知軀竅微長笛奏明月天水增

光輝朋酒共為樂頓忘天地機魚龍不重見山川
多是非同行二三子于今何所歸

天命有起伏人壽匪金石忽得一尊酒可以娛終
夕日月不鑿憐推斥空中擲局沒黨塵內禁枯兩
無益家殘人欲止傾心必歸釋福報邈難尋永為
齊梁惜

歌器忌滿盈歧路傷南北苟能慎厥修自若未結
直君子事其人以心不以色日月走中天晦明難
相識豈意絲與蘿一旦生荆棘

江南遊客至貽我紫羅囊刺繡何所有上有雙鴛
鴦雌雄永相保不復知鳳皇珍重在懷袖肌裏自
生香三載氣不息物短情何長臨風謝征雁寄言
不能忘

塞笛

蕭瑟苦寒夜幽并征戍兒風從南國起散入塞垣
悲玉笛更無賴清商知怨誰愁中增白髮向月莫
頻吹

陳石閣詩卷十二

春望四首



薄霧去天早東風到面徐融光今日轉生意萬方
初桃李若含咲梅花迴不如故時香未遠猶欲襲
人裾

有女臨清沼無言自理妝暗紅巢翡翠春雨醉鴛
鴦蕩子章臺去朱樓白日長可憐花滿眼隔水不
聞香

白馬珊瑚鞭香塵二月天少年矜意氣長袖自蹁

蹀市有文君肆囊餘九府泉鑪頭耳漸熱隨意數
蒼鈿

吾道欲從東泥塗日暮窮青鞋縈細竹藤杖老春
風跡向誰邊寄人今莫與同吹簫對明月音落暗
塵中

感遇四首

春風揆寒灰黔羸廣運生圻甲被長陸寧不受敷
榮竹木得正理天地常多情粲粲都人子懷春陌
中行泮溪不違息晷盡續以榮雙手托明月太陰

有至精

清晨啟明鏡相對無一言白髮不讓人皎比霜雪
繁老去無善境來日如星去惟有惘惘心思與天
地存生全田光信死結夷門魂

遊子辭故鄉一身如片羽所遇無親知功名何能
櫛朝戴軒轅行既夕望河鼓爛然十丈光直對天
門戶薦收忽前驅去去江之許暮夜斷行舟乃識
大江苦利涉勿輕為水深誰濟汝

脉脉復脉脉絳情鳴東壁啟明燦光芒有如日色

赤形影不暫離生即為生沒胎膏奉一身得寸多
矜尺黃河有流沙泰山有竒石輕重為不分出阿
河所適一旦解天歿幽情良可惜

哭馬大鉢二首

老更遭時棄才知交際難一從識詞伯深許獨登
壇幾日浮生在春風二月寒倚文乘鶴去飄渺白
雲端

魯衛常虛席郟枚自不慚散華行處得貧賤老能
甘水定雷谿月燈昏大鉢庵總緯哀慟罷髮鬚對

清談

哭第五弟孝

死者不再生生者難為情我身若槁木又若當風
燭計汝今年才廿六鬼伯一朝解我懸諸孤心賴
成人林少者先推老老哭皇天相視何其毒拍膺
慟絕絕無聲總帛飄雨魂冥冥

石東村挈眷歸山挽留不可因贈以詩

又得經年聚無端避世遊雲飛心不定人去月空
留珠樹原棲鳳纓冠恥沐猴田盤最深處天地一

浮漚

古興攤書卷高風獨杖藜負薪朱虎子操白伯鸞
妻地僻身堪隱心閑性不迷素交回白首相隔萬
峰西

雨

去年三冬無雨雪今年春夏未光烈二麥焦卷百
叶萎大田暴裂耜耨輟天意損人不盡損亦憐農
事為根本陰生夏至始聞雷飄風習習東南吹七
日而後蒸潤足太陰晝見烏雲垂列缺倒掛竊龍

躍霹靂乍開天地愕數行白氣走光芒萬斛珍珠
凌噴薄滂沱一夜達清晨草木昭回大塊春晚稼
中禾堪播植始知時雨同金銀勞勞錢鏹無休息
半年今用農夫力鉅艾應須九月期上官此際籌
民食

憶昔

憶昔當全盛應門四面開合珠隨月滿天馬自西
徠去日雖同素惟時及不才考槃深澗曲回首六
生哀

異物

信陵為異物猶得見夷門自有諸君貴裁知上客
尊絕纓燭淚滴食馬肉心存尚使侯生在誰能解
報恩

荷蓋

荷蓋團清影朱華生暗香樓臺天外直雲日柳邊
涼未足供高步猶懷繼樂方可知沖蔚室百草日
爭長

帶水

帝水湯湯白朱樓的的新花邊歲翠羽簾下出佳
人隱約渾如夢扶持詎以真烟銷香自地若個復
相親

蹉跎

偃鼠斲充腹何當肆飲河露華百歲好霜霰一宵
過曳尾神能王剗腸智豈多波臣升斗得亦可解
蹉跎

直欲

直欲洪趨走慚深故路迷一時排溟濤得意忘筌

蹄涔輒羞搖尾長途免噬齧
璇璣闕振撥日月各東西

草蔓

草蔓行多露秋來見苦心
西風一夜起南國萬家
砧獨望青陵月長調綠綺
琴羅敷夫婿在無事亟
相尋

容易

容易浮生過春花幾日殘
索居憐出入臨事議艱
難彈劍秋風老溫經夜氣
寒片言遭鞠武無計報

燕丹

風

驚埃翳高穹飄風生大壑
噫氣有起伏吹萬無圻
壑林響時復文沙雨互相
搏谷應嘯山君波掀奔
海若天地正色變日月晶
光索翔鳥不知歸餘花
自然落德期望雲霓冲夏
始解作滄瀆靜塵氛瀾
漫驅雨脚澤矣西疇膏壤
栽東菑樂朝耕夕長吟
養蒙甘藜藿

送橘洲弟赴蜀中任三首

驥足經時絆，今原舊宿枝。計年將五十，深幸未分
離。薄宦三巴外，開帆杪夏時。潞河相送處，一喜一
生悲。

萬里蠶叢路，人披山木行。子規對明月，長夜泣離
聲。故國空雲水，天涯老弟兄。病軀懸兩地，日夕各
關情。

解我佩刀贈相期，效呂虔小斲聊試割。大白貴能
全，老態無多日。重逢定幾年，惟將數行淚揮向錦
城天。

詠六月菊

百卉坐消歇，惠風亦湮沉。蝴蝶蝶若無，倚鳴鳥非正
音。綺靡六月花，可以續春心。來時意有餘，觸熱寧
久任。五色艷矚目，白髮何當簪。抱幽芳，礪菊適性
東籬陰，清霜戒衣袂，冒寒期一尋。

立秋二首

衰年常苦熱，多病更難支。一夕流金氣，秋風生桂
枝。薄衾初試體，團扇寄深思。入耳高聲近，孤懷明
月知。

庭戶更新色清涼
透葛衣秋殺一葉落昨夜亂螢
飛世梗真如故天心信不違
王孫芳艸歌早晚望
來歸

投老軍謀經行萬里感懷吊古成詩十章

潞河

潞河紆折草芊眠不到茲方三十年懷舊默滄漭
岳賦登仙重上李膺船滿天碧色孤鴻去一帶平
沙落日圓水入江南客江北那堪回首向風烟

咸陽

咸陽不復辨龍輶故土猶開漢代花
文藻班揚空有作勳銘衛霍已無家
新豐古市旗亭杳灞水長橋御柳斜
駐馬溫泉尋舊蹟迷離松柏鎖烟霞

臯蘭

未向宜僚學弄丸佩刀從事客臯蘭
踈窻聽雨三更夢正馬衝風六月寒
塞上軍書溥絡繹河源使節報艱難
兵儲計簿勞形影二十年來始克安

漢陽

客心西去水東流覽勝維舟上酒樓
王子多情憐

越榜湘靈染恨泣江洲橫空過雨天垂白隔渚採
沙日乍浮遠近楓林迷望眼九疑蕭瑟漢陽秋

三山

停鞭裁識馬蹄遥又向南閩理檝橈小艇漸離水
口驛行人獨上橫山橋青巖積翠含殘日明月無
聲落夜潮傳語故鄉休憶念一枝今日寄鷓鴣

岳墓

飄零湖海老參軍浙水重聞岳氏勳大漠無人恢
故業中原有土竟平分扁舟落日暮遺碣長劍秋

風拜古墳曷帝蒙塵同一死獨憐身後不如君

吳門

吳王宮苑艸萋萋鼠跡狐踪賸客迷萬里長征憐
篷筍十年多病寄刀圭吹簫南國英雄老說劍西
風日月低無那壯懷消旅况孤燈黯慘夜烏啼

建業

十年書劍老塵埃建業重來問劫灰石印山頭袂
罷祀白鼉鳴處鳥飛回六朝冠蓋歲荒草三楚風
流見古苔耆舊無人傳故實杖藜獨上雨花臺

壽春

蓬萊已分註仙班鴻寶床頭秘小山雷被訐私朱
戶冷八公從事白雲閑可憐恩怨能銷骨終古榮
華豈駐顏重向埋金探消息雞鳴犬吠異人間

廣陵

匊匊簫鼓滿樓船水國繁華舊有年大賈魚鹽乘
地利霸人囊篋老天邊片帆花雨風前落百丈遊
絲柳外牽二十四橋隋氏恨至今明月尚高懸

雨霽望西山

曉風驅夜雨微薄不成陰垣衣自古色鳴禽變佳
音庭草若有意時花間至今澹然對雲物轉眺西
山岑丹影互明滅水碧乍浮沉陰陽合至理鍾靈
見天心緬懷紫芝曲悵望丘中琴藥石可扶老荷
香還相尋白雲落無限不知淺與深

螢

一從歸故里兩度見螢飛欲亂星辰影寧知軀體
微薄衣饒點綴白髮藉光輝來歲依庭宇伊人是
也非

蟬

口舌頻遭累，殷勤假翼鳴。退求高柳密，散入夕陽
清。飲露身能潔，憑虛性不驚。孰知黃雀意，偷眼獨
分明。

蚓

幸得蒸潮出，安知草木春。悲歌誰和汝，清夜獨撩
人。未足供高潔，真堪効屈伸。秋陽方酷烈，隱現自
全身。

蛩

寒蛩甚無賴，委曲隱庸陰。露下見清節，秋來識苦
吟。羈孤游子淚，刀尺美人心。珍重勞形影，清霜入
夜深。

故箋

今日溝水頭，明旦清溪流。悲風下檠木，蕭颯已成
秋。絳綵素如草，故箋今亦老。辛苦在人心，悔不相
逢早。淒其桃李歌，歌奏顰雙蛾。君憐半面情，含恨
應無多。

新晴月潔如水

雨氣還青冥洗滌塵上月隱約見山光碧滋紛石
髮鳥投林際滅人對空明歌妙理獨尋繹心影悠
然發

聞鍾

夜久清慮空我心自瀟灑不知何處鍾敲從白雲
下緩聲若碎金疾敲若奔馬本以開道心匪為警
迷者

月

陰魄乘時滿瑩光入夜清幸承甘露滌欲益太陽

明願菟憂趨走蟾蜍寄死生美人天外隔燭滅獨
含情

聞歌

織衣夕露滋緩帶輕風送人寐月初移鳥去花猶
動伊誰桓氏笛倚和江南弄佳期期不來還寢甘
同夢

衰柳

衰謝夫誰怨天功久被蒙可知承湛露何似受春
風老惜抽條弱神傷落影空渭城攀折意遺恨月

明中

印

